

\*\*\*\*\*

104

# QUÆSTIO MEDICA,

QUODLIBETARIIS DISPUTATIONIBUS,  
manè discutienda, in Scholis Medicorum, die Jovis  
quintâ Februarii.

M. JACOBO SOUHAIT, Doctore  
Medico, Præside.

*An solus Medicus οὐνεμαρτς?*

I.

**C**ORPUS animatum, textura singularis ex multifariam contortis canalibus constituta, fluidum peculiare, ex diversi generis humoribus conflatum, machina aeri innatans circumposito, à quo non refarcitur minus, quam ab iis quæ tellus fecunda suppeditat. Hujus generationem, (melius dicas evolutionem) multa juvant, infirmant, accelerant, tardant, invertunt, evertunt, speciem nunquam mutant penitus. Activum dicas in eo quod fluidum est, passivum appelles quod solidum. Calidum innatum, humidum radicale, vitam ipsam non aliud reputes, quam solidarum partium integritatem, fluidarum appulsam, utrumque posituram suscipiendæ materiæ ætheræ idoneam; hujus ope sic promoventur liquores, ut in suas quique sedes per destinatas vias debito tempore deriventur, animati corporis quas vocant functiones, adimpleturi. In corpore animato fluidum magni nominis sanguis, à chylo originem ducens, quod mediante fermentatione aptum fit in varia facefcere corporis incernicula, varia jam nomina sortiturum, spiritus, lymphæ, bilis, seminis, urinæ: hæc largus à sanguinis fonte amnis dimanans suo tempore per proprios sibi tubulos in vesicam devolvendus.

II.

**U**RINA, excrementum nauseantium nares nidore suo convellens, at re ipsa liquor maximæ ad vitam necessitatis. Hujus primordia potulenta quævis dissolvendis in ventriculo cibis solidioribus apprimè idonea, transmittendæ in venas & arterias crassiorum alimentorum polentæ summè apta, fundendis & deve-

hēndis foras salibus superfluis destinata. Quorsum autem in corpore animato sales superflui? Horum videlicet magnam continent copiam alimenta quavis, & maiorem quam quæ sit in partium substantiam cessura, utilem tamen ad excitandas fermentationes, & viscidiorum humorum gluten dividendum; quod munus ubi impletum stationibus suis magno examine erumpunt sales, & sero jam inutili iimixti, nec non alimentum portionem aliquam secum auferentes, per patentes renum papillas in ureteres vesicamque devolvuntur. An autem quæ largè ab assumpto potu diuretico fluit urina prolixam vasorum lacteorum & ductus chyliiferi viam sequitur? Verisimile quidem eam per venarum mesaraicarum oscula deduci ad cor, hinc ad arterias emulgentes. Si quis brevius iter commonstrarit, sit nobis magnus Apollo. Interim statuimus urinam ad massam sanguinis per dictas vias deportatam plerisque, imò & aliquando omnes corporis regiones adire, & cum omnibus humoribus commisceri. Qui prædictas vias & partes non noverit, quem lateat omnium humorum natura peculiaris, eum nequaquam existimes posse urinarum naturam perspectam habere.

### III.

**U**RINAM ad plerasque atque adeo & ad omnes corporis partes appellere prius quam à chyli sanguinisque massa secernatur, perperam facis si dubitas. Volvitur etenim quaquaversum condimentum illud, illa succorum variorum mixtura sanguinis nomine insignita, donec singuli quibus constat succi, coctionis perfectionisque certum gradum sensim adepti, à suis quique incerniculis inter-transseundum sorbeantur, novis ex integro massam sanguinis sub specie chyli ingredientibus, priorumque loca occupantibus restaurandi. Chylus (cujus portionem urina constituit non minimam) quod omnem corporis peripheriam visat, multa probant. A chylo ne dicam nutriri partes, cerebrum saltem petit ille, & sæpe consopit, ubi à pastu in sanguinis alveum labi incipit copiosius, omnes arterias venasque distendit. Cum sanguinis torrente rapitur chylus, cum chylo urina; felici quidem successu si non hæreat, infausito, si coerceatur. Quoties redundantis urinæ copiam cerebrum tentatum, convulsū, aut lethaliter sopitum est; quoties & in ipsum thoracem suspensa urinæ scaturigo remeavit, lethales excitavit dispnoæas, & gravi aquarum torpentem pondere spiritum suffocavit. Quod autem urinæ suspendatur effluxus, ne semper credas renum aut vesicæ aut partium adjacentium vitio fieri. Est aliquando omnismoda urinæ suppressio, quæ chylo aut sanguini tribuenda sit,

quatenus integrantes eorum partes glutine quodam inter se connexæ hærent, & patentium licet pororum ostia præterfluunt. Ex his colliges urinam cum solidis fluidisque corporis animati partibus magnum habere commercium, dum illas alluit, his immixta est & involuta, quo quidem fieri non potest, quin multa earundem partium vestigia repræsentet iis duntaxat dignoscenda, qui phylices dogmatis imbuti, qui anatomix chymixque auxilio partium tam solidarum quam liquidarum notitiam assecuti, qui longo ægros invifendi ulu varios earundem partium status diligenter speculati sunt.

## I V.

**Q**UOD Philosophicè minus quam Poeticè cecinit Lucretius *Effigies tenuesque figuras mittit ab rebus summo de cortice rerum:* si veritati consonum, magno equidem adjumento foret ad stabilendam eorum opinionem, qui in urinis, omnium quæ corpori insunt characteres imaginesque expressas, asserunt contineri: prorsus ut uno quasi intuitu quid contra, quid secundum naturam sit, ab idiotis dignosci valeat. Jam suis involutus membranæ foetus, in urinis volitabit, & certa imagine sexum suum, ætatem, numerumque demonstrabit. Jam indubitata in iis apparebunt aut sibi constantis aut detrictæ virginitatis indicia. Jam latens apostema sui dabit per illam effigiem vestigium, quod nullo prius symptomate sese prodiderat: quid quod & ingenii modus, & mores, & moriendi tempus, & quæ multa, aut in fatis, aut in ipso hominis pectore abstrusa latent, prodibunt in apertissimam lucem, & sese in matulis præbunt conspicienda. Quæ quidem omnia quam absurdum est arbitrari posse idiotis innotescere. Ecquis satis obtusa mente, ut credat editorum foetuum, imo edendorum deinceps numerum ab illis vatibus posse præcini, qui ne noverunt quidem quid sit foetus, quomodo formetur, unde & per quas vias delabatur in uterum? Ecquis satis credulus illis dum asserunt lienem, jecur, rēnes affectos esse, qui ne objecti quidem ante oculos lienis aut jecoris manibus palpati, naturam, dotes, statum salubrem aut insalubrem possint discriminare.

## V.

**U**RINARUM naturam tibi vis innotescere? neglige illas figurarum effigierumque nugas, sequere novam saniozemque de rebus physicis philosophandi methodum, à Chymicorum fornacibus faciem ne graveris mutuari; theatra anatomica frequens adi, Medicorum tam priscoreum quam recentiorum scripta lege, proferibe tamen usurpatam olim renum attractionem, abjice tyrannicè regnantia hodie fermenta, & passim à quibusdam in omnes

partes, ac præcipue in renes per fas nefasque intrusa. Id si feceris multas, ne dicam innumeras, erues urinarum differentias. Non jam mysteriis præstigiisve ignorantiam tuam rusticus vaser involves; non cæcus priscorum assecla functionis hepaticæ extinctionem, non vitiatam renum attractionem crepabis, sed pro varia principiorum quibus urina constat indole, varios suspicaberis partium status, quos adducta aliorum signorum pathognomonica cohorte, quasi ad vivum depictos habebis. Jam ex sulphure minus aut nimis cocto humorum cruditatem aut adustionem colliges, variorum symptomatum à sulphure pendentium causas inferes. Sales quos diversæ naturæ novit ars spagyrica, suum etiam conferent symbolum; suum & ipsa licet vulgo effæta audiat terra. Colorum genuinam assecutus causam, non facies pro musca elephantum. Cavebis, ne ibi periculum grave vaticineris, ubi levior causa urinarum faciem in deterius mutavit. Si quid dubiè, quod sæpe fit, urina repræsentat; solvet dubium omnium corporis partium sedula & diligens lustratio, habita ad sexum, ætatem, vivendi modum, loca, tempora, consideratio. Non si quis corpore gracili, infirma valetudine urinæ tenuis & lymphidæ largam copiam fundat, continuo vergere ad marasimum pronuntiabis, sed si cætera bellè cedant, felix recuperandæ sanitatis tempus asseres adventare. Quisquis est igitur sana mente, incorruptoque judicio veritatis amans, agnoscat ad Medicum pertinere urinarum notitiam, qua sese instructum merito, modeste tamen profitetur, fugere prorsus idiotas & rusticos, qui temerè & impudenter, id quod præstare nequaquam possunt, pollicentur.

*Ergo solus Medicus oves pascens.*

Domini Doctores disputaturi.

M. Ludovicus Lemery.

M. Joannes Gaillard.

M. Claudius Guerin, Scholæ Professor.

M. Petrus le Tonnellier.

M. Matthæus Dionysius Fournier.

M. Ludovicus Morin.

M. Jacobus Minot serenissimi Ducis Borbonii Medicus ordinarius.

M. Carolus Thuillier.

M. Petrus Lombard.

Proponebat Parisiis CLAUDIUS BERGER, Parisinus,  
Baccalaureus Medicus. A. R. S. H. 1699.

Apud Franciscum Muguet, Regis & Facultatis Medicinæ  
Typographum.